

Crèsia de Santu Giorgi



Inaugurada s'8 de làmpadas 1997, est dedicada a Santu Giorgi de Suelli (Casteddu, sèculu XI – Suelli, 23 abrili 1117), primu munsignori e su patronu de sa diòcesi de Ogliastra. A issu, segundu sa traditzioni, si depit su cumpletamentu de sa

cunversioni de s'Ogliastra a sa religioni cristiana in is sèculus X e XI. Sa crèsia, progetada de s'architetu Màssimu Pisu, est fata in stili bizantinu, cun tres navadas internas stagiadas de 12 colonnas de perda e una cùpula otagonali. Su tretu de su presbitèriu est simplici meda, cun a su centru sa mensa e s'imàgini de su Cristus in unu quadru. A palas de s'altari est presenti unu bassurilevu cun unu miràculu de Santu Giorgi e una mata de olia abbada de una funtana. A costau de sa crèsia s'agatat sa Domu pastorali, cun is ofitzius de sa crèsia e is aposentus de s'oratòriu e de su catechismu. In is atras biddas su santu est festadu su 23 abrili, sa dì chi si narat ca siat mortu, ma in Tortolì si festat a metadi de mesi de mau.